

Recenzija

Tekst „Otorinolaringologija i pridružena njega“ autora Fuada M. Brkića i Dejana Rančića je napisan na 67 strana, A4 formata. Podijeljen je u tri poglavlja: Otologija, Rinosinusologija, Faringolaringologija. Svako od poglavlja je podijeljeno na sljedeća podpoglavlja:

Kratki repetitorij anatomije i fiziologije, u kojima autori daju kratki pregled osnova anatomije i fiziologije organa o kojem se govori u poglavlju. Ovo podpoglavlje omogućava da studentima koji su već savladali osnove anatomije i fiziologije posluži kao podsjetnik, dok studentima koji nisu u ovoj situaciji omogućava da na relativno lak način savladaju osnove anatomije i fiziologije organa o kojem se u ovom poglavlju govori.

Podpoglavlje „Oboljenja“ daje osnovni prikaz najčešćih oboljenja koja zahvataju organ o kojem se govori u tom poglavlju. Autori daju kratki opis kliničke slike i glavnih simptoma oboljenja. Autori su također klasificirali oboljenja u pet grupa: Urođena, upalna, traumatska, malignaoboljenja, te druga stanja koja se ne mogu klasificirati.

U podpoglavlju „Dijagnostičke procedure“ autori opisuju osnovne dijagnostičke procedure koje se koriste prilikom dijagnosticiranja oboljenja organa koji se opisuje u tom poglavlju. Ova paleta procedura se sastoji od dijela u kojem se opisuje anamneza, pa sve do najnovijih dijagnostičkih procedura koje se danas primjenjuju.

Poglavlje „Terapija oboljenja“ daje u najkraćim crtama osnove terapije oboljenja organa u tom poglavlju. Tu se svakako sučeljavaju osnove farmakološke terapije, preporukama higijensko dijetetskog režima, do hiruruške i onkoterapije.

Zadnje poglavlje opisuje postoperativnu njegu pacijenata operiranih od oboljenja organa koji se opisuje u tom poglavlju. U ovom poglavlju se daju osnove postoperaativne terapije nakon najčešćih hirurških zahvata u otorinolaringologiji.

Na kraju, autori daju kratak opis hitnih stanja u otorinolaringologiji, kao i kratki opis korozivnih oštećenja organa glave i vrata.

Prilikom pisanja ovoga teksta autori su koristili najznačajnije udžbenike iz otorinolaringologije sa ovih prostora, a nije zanemariv i značaj referenci sa interneta.

Tekst „Otorinolaringologija i pridružena njega“ predstavlja dobro napisan pregled najznačajnijih informacija iz područja otorinolaringologije, koji može dati studentima Fakulteta zdravstvenih nauka mogućnost da se upoznaju sa osnovama ORL patologije, dijagnoze, terapije i postoperativne njege u otorinolaringologiji. Ovaj tekst daje studentima dobru osnovu za daljnje izučavanje problematike ovoga veoma složnog dijela ljudskog organizma.

Slobodan sam preporučiti da se tekst „Otorinolaringologija i pridružena nje-
ga“ autora Fuada M. Brkića i Dejana Rančića štampa kao udžbenik na Fakulte-
tu zdravstvenih nauka „Apeiron“ Univerziteta u Banja Luci.

S poštovanjem,

Prof. dr. Adnan Rapidžić

